



60

55

50

文庫 17
W72
3



宋詩別裁集卷五

姚培謙述齋

雲間張景星二銘點閱

王永祺補堂

七言律

禁林春直

李昉

疎簾。搖曳日輝輝。直閣深嚴半掩扉。一
院有花春晝永。八方無事詔書稀。樹頭

宋詩別裁集卷五 七律

010185194251

昭和六十年二月一日贈
寄

百轉鶯鶯語梁上新來燕燕飛豈合此
身居此地妨賢尸祿自知非

京口江際弄水

徐鉉

退公求靜獨臨川楊子江南二月天百
尺翠屏甘露閣數帆晴目海門船波澄
瀨石寒如玉草接汀蘋綠似烟安得乘
槎更東去十洲風外弄潺湲

送郝郎中為浙西判官

大藩從事本優賢幕府仍當壯固前花
繞樓臺山倚郭寺臨江海水連天恐君
到即忘歸日憶我遊曾歷二年若許他
時作閑伴殷勤為買釣魚船

舟中晚望桃源山

張

詠

仙山初指眼初明倚棹因妨半日程雲
裏未忘尋去路世間爭合有浮名崑空
閣老松千尺天靜時聞鶴一聲更射暮

身言表其 卷五
霞憐惜別滿坡紅影照崢嶸

寒食

王禹偁

今年寒食在商山。山裏風光亦可憐。
稚子就花拈蛺蝶。人家依樹繫鞦韆。
郊原曉綠初經雨。巷陌春陰乍禁烟。
副使官閑莫惆悵。酒錢猶有撰碑錢。

日長簡仲咸

日長何計到黃昏。郡僻官閑晝掩門。
子美集開詩世界。伯陽書見道根源。
風騷壯院花千片。月上東樓酒一樽。
不是同年来主郡。此心牢落共誰論。

寄獻潤州趙舍人

南徐城古樹蒼蒼。衙府樓臺盡枕江。
甘露鐘聲清醉榻。海門山色滴吟牕。
直廬久負題紅藥。出鎮何妨擁碧幢。
聞說秋来自高尚。道裝鈴竹鶴成雙。

送羅著作奉使湖湘

使星躔次入長沙。曉別延英去路賒。數
刻漏中承密旨。幾重湖外奉皇華。山行
馬拂湘川石寺宿。僧供嶽麓茶。迴日期
君直西掖。當階紅藥正開花。

新秋即事

宦途流落似長沙。賴有詩情遣歲華。吟
弄淺波臨釣渚。醉披殘照入僧家。石挨
苦竹旁抽筍。雨打戎葵卧放花。安得君
恩許歸去。東陵閑種一園瓜。

寄題義門胡氏華林書院

水閣山齋架碧虛。亭亭華表映門闈。力
田歲取千箱稻。好事家藏萬卷書。旋對
杯盤燒野筍。別開池沼養溪魚。吾生未
有林泉計。空媿妨賢卧直廬。

上李昉相公

王操

弱冠登龍入粉闈。少年清貴古來稀。袖
中詔草朝天去。頭上宮花侍宴歸。卓筆
玉堂寒漏迥。捲簾池館水禽飛。三台位
近猶多遜。閑聽秋霖憶翠微。

梁舍人奉使巴中 楊億

藥署深巖綠草詔。劍關迢遞忽乘輅。霜
天歷歷巴徠苦。山路駸駸笮馬驕。梁苑
寒風吹別袂。瞿塘春水送歸橈。紫垣遣
使非常例。應有星文動九霄。

成都

五丁力盡蜀山通。千古成都綠酎釀。白
帝倉空蛙在井。青天路險劍為峰。漫傳
西漢祠神馬。已見南陽起卧龍。張載勒
銘堪作戒。莫矜函谷一丸封。

梨

繁。花。如。雪。蚤。傷。春。干。樹。封。侯。未。是。負。漢。

宋詩集卷五
苑漫傳盧橘賦。驪山誰識荔枝塵。九秋
青女霜添味。五夜方諸月溜津。楚客狂
醒朝已解。水風猶自獵汀蘋。

寄靈仙觀舒職方學士

綠髮郎潛不記年。却尋丹竈味靈篇。華
陰學霧還成市。彭澤橫琴豈要絃。曉案
祇應餐沆瀣。夜灘誰見弄潺湲。須知吏
隱金門客。待乞刀圭作地仙。

寄靈仙觀舒職方學士

錢惟演

方瞳玄髮粉闈郎。絳闕齋心奉紫皇。徵
士高懷雲在嶺。騷人秋思水周堂。閑園
露草開三徑。靈宇華燈燭九光。知有羨
田堪種玉。幾時春渚逐歸航。

公舍春日

丁謂

綠楊垂線草鋪茵。觸處烟光舉眼新。一

品也。溷妨。白髮千。金莫惜買。青春鶯聲
圓滑堪清耳。花艷鮮明欲照身。獨向此
時為俗吏。風流知是不如人。

燈

穆脩

杳杳有時當。永恨依依何處照。閑眠靜
臨客枕愁寒雨。遠逐魚蓬耿暝烟。纖影
乍歛還自立。冷花時結不成圓。銷魂猶
憶江樓夜。曾對誰。鶻賦短篇。

西湖春日

林逋

爭得才如杜牧之。試來湖上輒題詩。春
烟寺院敲茶鼓。夕照樓臺卓酒旗。濃吐
襟芳薰巖岫。濕飛雙翠破漣漪。人間幸
有蓑蕪笠。且上漁舟作釣師。

山園小梅

眾芳搖落獨暄妍。占盡風情向小園。疎
影橫斜水清淺。暗香浮動月黃昏。霜禽
欲下先偷眼。粉蝶未過已羞魂。

宋詩別集

卷五

七律

七

欲下先偷眼粉蝶如知合斷魂幸有微
吟可相狎不須檀板共金尊

梅花

吟懷長恨負芳時為見梅花輒入詩
雪後園林纔半樹水邊籬落忽橫枝
人憐紅艷多應俗天與清香似有私
堪笑胡雛亦風味解將聲調角中吹

寒食

宋祁

九門烟樹蔽春塵小雨初晴潑火前
草色引開盤馬地簫聲催暖賣錫天
紫絲蚤絮輕無著弄袖和風細可憐
整署侍臣貪出沐珉糜珠館愧頒宣

落花

墜素翻紅各自傷青樓烟雨忍相忘
將飛更作迴風舞已落猶成半面妝
滄海客歸珠迸淚章臺人去骨遺香
可能無

意傳雙蝶盡付芳心與蜜房

將到都先獻樞密太尉相公

再試州旗驗不才。卻將憔悴到中臺。相
車問罷同牛喘。大厦成時與燕來。今日
謀猷須兩魏。他年賓客但鄒枚。西園聞
道餘春在。尚及花前灑灑杯。

擬杜子美峽中意

天入虛樓倚百層。四方遙謝此登臨。驚
風借寇為寒籟。落日容雲作暝陰。峴井
北。拋王祭宅。楚衣南。逐女。復石。十年不
識長安道。九籥宸開紫氣深。

集西園

日日西園春思催。攜觴結客上高臺。正
緣從事青州至。更許書生洛下來。時州
美又命座客賦詩。蚤葉已成花。半落新巢未定。
燕干回芳辰物物皆堪愛。併作高陽倒

載媒

示張寺丞王校勘 晏殊

元已清明候未開。小園幽徑獨徘徊。春寒未定斑斑雨。宿醉難禁灑灑杯。無可柰何花落去。似曾相識燕歸來。遊梁賦客多風味。莫惜青錢萬選才。

寓意

油壁香車不再逢。峽雲無迹任西東。梨花院落溶溶月。柳絮池塘淡淡風。幾日寂寥傷酒後。一番蕭索禁烟中。魚書欲寄何由達。水遠山長處處同。

奉和御製上元觀燈

夏竦

魚龍受術六街呈。金鎖通宵啓玉京。冉冉遊塵生輦道。遲遲春箭入歌聲。寶坊月皦龍燈淡。紫館風微鶴燄平。宴罷南

端天欲曉迴瞻河漢尚盈盈

登廣教院閣

韓琦

岑寂禪扉啓畫關。公餘為會一開顏。高
臺面壘色平野。老柏參天礙遠山。花去
春叢蝴蝶亂。雨勻朝圃桔槔閑。徘徊軒
檻何時下。直待前枝倦鵲還。

次韵和子淵學士春雨

天幕沉沉淑氣溫。雨絲輕軟墜雲根。洗
開春色無多潤。染盡花光不見痕。寂寞
畫樓和夢鎖。依微芳樹過人昏。空堂虛座
密珠簾下。試問淳于醉幾樽。

招仲通司封府園避暑

文彥博

騎山樓下水軒東。一室初開待白公。白
奇章欲於南溪上。別葺一室與白傅止
宿故詩云。終恐不如南澗上。別開一室
待閑。雖是不如南澗上。都緣卻有壯
人。

風銜杯避暑稱河朔。飛蓋延賓在鄴中。
解榻况逢徐孺子。饋漿茹飯與君同。

初入峽

趙抃

峽江初過三遊洞。天氣新調二月風。
樵戶人家隨處見。仙源雲路有時通。
峰巒壓岸東西碧。桃李臨波上下紅。
險磧惡灘各幾許。晚停征棹問漁翁。

三日赴宴口占

歐陽修

賜飲初逢禊節佳。昆池新漲碧無涯。
九門寒食多遊騎。三月春陰正養花。
共喜流觴修故事。自憐霜鬢惜年華。
鳳城殘照歸鞍晚。禁籞無風柳自斜。

懷嵩樓新開南軒與郡僚小飲

繞郭雲烟匝幾重。昔人曾此感懷嵩。
霜林落後山爭出。野菊開時酒正濃。
解帶西風飄畫角。倚欄斜日照青松。
會須乘

醉携嘉客踏雪来看群玉峰。

丙直對月寄子華舍人持國廷評
禁署沉沉玉漏傳。月華雲表溢金盤。纖埃不隔光初滿。萬物無聲夜向闌。蓮燭燒殘愁夢斷。蕙爐薰歇覺衣單。水精宮鎖黃金闕。故比人間分外寒。

唐崇徽公主手痕和韓內翰

故鄉飛鳥尚啁啾。何況悲笳出塞愁。青塚埋魂知不返。翠崖遺迹為誰留。玉顏自古為身累。肉食何人與國謀。行路至今空歎息。巖花澗草自春秋。

蘓主簿挽歌 洵

布衣馳譽入京都。丹旆俄驚反舊閭。諸老誰能先賈誼。君王猶未識相如。三年弟子行喪禮。千兩鄉人會葬車。我獨空齋挂塵榻。遺編時閱子雲書。

戲荅元珍

春風疑不到天涯。二月山城未見花。殘雪壓枝猶有橘。凍雷驚笋欲抽芽。夜聞歸雁生鄉思。病入新年感物華。曾是洛陽花下客。野芳雖晚不須嗟。

滄浪懷貫之

蘓舜欽

滄浪獨步亦無踪。聊上危臺四望中。秋色入林紅黯淡。日光穿竹翠玲瓏。酒徒漂落風前燕。詩社凋零霜後桐。君又輕來。遂徑去。醉吟誰復伴。衰翁。

送樂職方知泗州

梅堯臣

長堤凍柳不堪折。窮臘使君單騎行。蘓合輕裘霜莫犯。銅牙大弩吏先迎。山旁楚賈連檣泊。水上禹書寒磬清。試向郡樓東北望。烟波千里月臨城。

送少卿張學士知洪州

朱旗畫舸一百尺。五月長江水拍天。穩
去先應望廬岳。暫來誰復見龍泉。閣經
吏部重為記。山識吳王舊鑄錢。往迹可
尋軍事少。勝書遺逸附青編。

和韓欽聖學士襄陽聞喜亭

亭欄下望漢江水。淨綠無風寫鏡明。日
脚穿雲射洲影。槎頭擺子出潭聲。檣帆
落處遠鄉思。砧杵動時歸客情。使者徘徊
有佳興。高吟不減謝宣城。

上元進詩

蔡襄

叠聳青峰寶炬森。端門方佇翠華臨。宸
遊不為三元夜。樂事全歸萬衆心。天上
清光開夜色。人間和氣闔春陰。要知盡
作華封祝。四十年来惠化深。

錢塘上元夜祥符寺陪次巨巨郎中

文燕席

曾鞏

月明如晝露華濃錦帳名郎笑語同金
地夜寒消美酒玉人春困倚東風紅雲
燈火浮滄海碧水樓臺浸遠空白髮蹉
跎歡意少強顏猶入少年叢

甘露寺多景樓

欲收佳景此樓中徙倚闌干四望通雲
亂水光浮紫翠天含山氣入青紅一川
鐘。唄。淮。南。月。萬。里。帆。檣。海。外。風。老。去。衣

衲塵土在祇將心目羨冥鴻

上元

金鞍馳騁屬兜曹夜半喧闐意氣豪明
月滿街流水迹華燈入望衆星高風吹
玉漏穿花急人近朱闌送目勞自笑低
心逐年少祇尋前事撚霜毛

寒食許昌道中寄幕府諸君

司馬光

原上烟蕪澹復濃。寥寥佳節思無窮。竹
林近水半邊綠。桃樹連村一片紅。盡日
解鞍山店雨。晚天回首酒旗風。遙知幕
府清明飲。應笑驅馳鬪旅中。

伏蒙留守相公賜示陪太師潞公

東田宴集詩。輒敢屬和。

舞雩新雨浹公田。水滿東溪上下天。行
徑乍通初見筍。浮舟正好未生蓮。絃收

裂帛胡琴闕袖結清風。楚舞妍。相國火
城光滿路。夜歸不假玉蟾圓。

依韵恭和御製上元觀燈

王珪

雪消華月滿仙臺。萬燭當樓寶扇開。雙
鳳雲中扶輦下。六鼇海上駕峯來。鎬宮
春酒霑周宴。冷水秋風陋漢才。一曲昇
平人盡樂。君王又進紫霞杯。

次韵和元厚之平羌

詔收新土鳳林東。四百餘年陷犬戎。葱嶺自橫秦塞上。金城還落漢圖中。輕裘坐歎無遺策。解髮來庭有舊風。零雨未濛音已捷。不勞歸旅咏周公。

聞种諤脂米川大捷

神。兵。十。萬。忽。乘。秋。西。磧。妖。氛。一。夕。收。死。馬。不。嘶。榆。塞。外。長。城。自。起。玉。關。頭。君。王。別。繪。凌。烟。閣。將。帥。今。輕。定。遠。侯。莫。道。無。人。能。報。國。紅。旗。行。去。取。涼。州。

金陵懷古

王安石

霸祖孤身取二江。子孫多以百城降。豪華盡出成功後。逸樂安知與禍雙。東府舊基留佛刹。後庭餘唱落船牕。黍離麥秀從來事。且置興亡近酒缸。天兵南下北橋江。敵國當時拍頤降。山。

水雄豪空復在。君王神武自難雙。留連
落日頻回首。想像餘墟獨倚牕。却恠夏
陽練一葦。漢家何事費嬰缸。

地勢東回萬里江。雲間天闕古來雙。兵
纏四海英雄得。聖出中原次第降。山水
寂寥埋王氣。風烟蕭颯滿僧牕。廢陵壞
冢空剗劍。誰復沾纓酌一缸。

憶昨天兵下蜀江。將軍談笑士爭降。黃
旗已盡年三百。紫氣空收劍一雙。破堞
自生新草木。廢宮誰識舊軒牕。不須搔
首尋遺事。且倒花前白玉缸。

登寶公塔

倦童疲馬放松門。自把長筇倚石根。江
月轉空為白晝。嶺雲分暝與黃昏。鼠搖
岑寂聲隨起。鷗矯荒寒影對翻。當此不
知誰客主。道人忘我我忘言。

次韻平甫金山會宿寄親友

天末海門橫壯固。烟中沙岸似西興。已無船舫猶聞笛。遠有樓臺祇見燈。山月入松金破碎。江風吹水雪崩騰。飄然欲作乘桴計。一到扶桑恨未能。

段氏園亭

欹眠隨水轉東垣。一點炊烟映水昏。漫漫笑蘂難覓路。條條楊柳獨知門。青山呈露新如染。白鳥嬉遊靜不煩。朱雀航邊今有此。可能搖蕩武陵源。

次御河寄城北會上諸友

客路花時祇攬心。行逢御水半晴陰。背城野色雲邊盡。隔屋春聲樹外深。香草已堪回步履。午風聊復散衣襟。憶君載酒相追處。紅萼青跗定滿林。

寄萊州曹伯玉使君

言身老集卷五
宜春城郭繞樓臺。想見登臨把一盃。濕
濕嶺雲生竹菌。冥冥江雨熟楊梅。政成
定入邦人詠。詩就還隨驛使來。錯莫風
沙愁病眼。不知何日為君開。

池上春日

王安國

一池春水綠於苔。水上花枝間竹開。芳
草得時依舊長。文禽無事等閒來。年顏
近老空多感。風雅含情苦不才。獨有浴

沂遺想在使人終日此徘徊。

登湖光亭

韓維

雪盡鹿消徑露沙。公家池館似山家。翠
痕滿地初生草。紅氣通林未放花。匝岸
平波清照雁。壓城危榭斗回鴉。自慚白
首猶圭組。此地年年賞物華。

烟雨樓

鄭俠

仙人居處即鰲宮。更作層樓峭倚空。羣

岫西來烟漠漠。大江南北去。雨濛濛。花鑿柳策。熙怡裏。耘笠漁簑。笑語中。別有夜楹千里月。凭欄清興與誰同。

過冀州聞介甫送遼使當相遇繼

得移文以故事請避諸路又以詩

見寄次韵和答 沈遘

風沙敝盡舊狐裘。走馬歸來過冀州。聞報故人當邂逅。便臨近館為遲留。不容

傾蓋論時事。空寄新詩寫客愁。却望後車塵已合。簫聲清斷去如流。

思京口戲周器之 王令

江南別日醉方醺。貪愛青天帶水痕。忘却碧山歸路直。誤投浮世俗塵昏。終期散髮江邊釣。當有漁舟日繫門。但恨故人猶喜仕。他時曾腹未堪論。

郊行即事

程伯子

芳原綠野恣行時。春入遙山碧四圍。興
逐亂紅穿柳巷。困臨流水坐苔磯。莫辭
盞酒十分醉。只恐風花一片飛。况是清
明好天氣。不妨游衍莫忘歸。

傅堯俞濟源草堂 蘓軾

微官共有田園興。老罷方尋隱退廬。栽
種成陰十年事。倉皇求買萬金無。先生
卜築臨清濟。喬木如今似畫圖。鄰里亦
知偏愛竹。春來相與護龍雛。

新城道中

東風知我欲山行。吹斷簷間積雨聲。嶺
上晴雲披絮帽。樹頭初日挂銅鉦。野桃
含笑竹籬短。溪柳自搖沙水清。西崦人
家應最樂。煮芹燒筍餉春耕。

正月二十日往岐亭郡人潘古郭
三人送余於女王城東禪莊院

蘇詩卷之七律

十日春寒不出門。不知江柳已搖村。稍
聞泱泱流水谷。盡放青青沒燒痕。數畝
荒園留我住。半甌濁酒待君溫。去年今
日。關山路。細雨梅花正斷魂。

與秦太虛參寥會於松江而關彦

長徐安中適至分韻得風字

吳越溪山興未窮。又扶衰病過垂虹。浮
天自古東南水。送客今朝西北風。絕境

自忘千里遠。勝遊難復五人同。舟師不
會留連意。擬看斜陽萬頃紅。

二子緣詩老更窮。人間無處吐長虹。平
生睡足連江雨。盡日舟橫壁岫風。人笑
年來三黜慣。天教我輩一樽同。知君欲
寫長相憶。更送銀盤尾鬣紅。

岐亭道上見梅花戲贈季常

蕙死蘭枯菊亦摧。返魂香入嶺頭梅。數

牙言另表真卷五
三五

枝殘綠風吹盡一點芳心雀啁開野店
初嘗竹葉酒江雲欲落豆稽灰行當更
向欽頭見病起烏雲正作堆

二月三日點燈會客

江上東風浪接天苦寒無賴破春妍試
開雲蕩羔兒酒快瀉錢塘藥玉船蠶市
光陰非故國馬行燈火記當年冷烟濕
雪梅花在留得新春作上元

舟行至清遠縣見顧秀才極談惠

州風物之美

到處聚觀香案吏此邦宜着玉堂仙江
雲漠漠桂花濕海雨條條荔子然聞道
黃柑常抵鵲不容朱橘更論錢恰從神
武來弘景便向羅浮見稚川

正月二十六日偶與數客野步嘉

祐僧舍東南野人家雜花盛開扣

天詩句幾集卷五七律
三五

門求觀主人林氏媪出應白髮青
裙少寡獨居三十年矣感歎之餘

作詩記之

縹帶細枝出絳房。綠陰青子送春忙。消
涓泣露紫含筵。焰焰燒空紅佛桑。落日
孤烟知客恨。短籬破屋為誰香。主人白
髮青裙袂。子美詩中黃四娘。

出潁口初見淮山是日至壽州

我行日夜向江海。楓葉蘆花秋興長。平
淮忽迷天遠近。青山久與船低昂。壽州
已見白石塔。短棹未轉黃茆岡。波平風
軟望不到。故人久立烟蒼茫。

壽星院寒碧軒

清風肅肅搖牕扉。牕前修行一尺圍。紛
紛蒼雪落夏簟。冉冉綠霧沾人衣。日高
山。蟬。抱。葉。響。人。靜。翠。羽。穿。林。飛。道。人。絕。

粒對寒碧。為問鶴骨何緣肥。

正月二十日與潘郭二生出郊尋

春忽記去年是日同至女王城作

詩乃和前韵

東風未肯入東門。走馬還尋去歲村。人

似秋鴻來有信事。如春夢了無痕。江城

白酒三杯釀野老。蒼顏一笑濕。已約年

年為此會。故人不用賦招魂。

孤山二詠并引

孤山有陳時柏二株其一為人所

薪山下老人自為免已見其枯矣

然堅悍如金石愈於未枯者僧志

佺作堂於其側名之曰柏堂堂與

白公居易竹閣相連屬余作二詩

以紀之

柏堂

道人手種幾生前。鶴骨龍姿尚宛然。雙
幹一先神物化。九朝三見太平年。忽驚
華構依巖出。乞與佳名到處傳。此柏未
枯君記取。灰心聊伴小乘禪。

竹閣

海山堦率兩茫然。古寺無人竹滿軒。白
鶴不留歸後語。蒼龍猶是種時孫。兩叢
却似蕭郎筆。半畝空懷渭上村。欲把新

詩問遺像。病維摩詰更無言。

與述古自有美堂乘月夜歸

娟娟雲月稍侵軒。漱漱星河半隱山。魚
鑰未收清夜永。鳳簫猶在翠微間。淒風
瑟縮絃絃柱。香霧淒迷著髻鬟。共喜使
君能鼓樂。萬人爭看火城還。

雪夜書壯臺壁

黃昏猶作雨纖纖。夜靜無風勢轉嚴。但

覺衾裯如潑水。不知庭院已堆鹽。五更
曉色來書幌。半夜寒聲落畫簷。試掃北
臺看馬耳。未隨埋沒。有雙尖。

城頭初日始翻鴉。陌上晴泥已沒車。凍
合玉樓寒起粟。光搖銀海眩生花。遺蝗
入地應千尺。宿麥連雲有幾家。老病自
嗟詩力退。空吟冰柱憶劉叉。

六年正月二十日復出東門仍用

前韻

亂山環合水侵門。身在淮南盡處村。五
畝漸成終老計。九重新掃舊巢痕。豈惟
見慣沙鷗熟。已覺來多釣石溫。長與東
風約。今日暗香先返玉梅魂。

次韻王晉卿奉詔押高麗燕射

北苑傳呼陞楯郎。東蕃初識令君香。天
山自可三箭取。海國何勞一葦航。宣勸

不辭金盃側。醉歸爭看玉鞭長。錦囊詩
草勤收拾。莫遣雞林得夜光。

紅梅

怕愁貪睡獨開遲。自恐冰容不入時。故
作小紅桃杏色。尚餘孤瘦雪霜姿。寒心
未肯隨春態。酒暈無端上玉肌。詩老不
知梅格在。更看綠葉與青枝。

石曼卿紅梅詩云認
蕊無綠葉辨

送龔鼎臣諫議移守青州

蘓轍

稷下諸公今幾人。三為諫議髮如銀。梁
王宮殿歸田鑰。尚父山河屬老臣。沂水
絃歌重曾黜。菑川故舊識平津。過家定
有金錢費。千里爭看衣錦身。

西山負海古諸侯。信義東南第一州。勝
槩未容秦地險。奇花僅比雒城優。新絲

出。盜。冬。裘。易。貢。棗。登。塲。歲。事。休。鈴。閣。虛。
閑。官。釀。熟。應。容。將。佐。得。遨。遊。

次韻張恕春暮

祇言城市無佳處。亦有江湖幾度遊。好
雨晴時三月暮。啼鶯到後百花休。老猿
好飲常聯臂。野馬依人自絡頭。不肯低
回池上醉。試看生滅水中漚。

青涼寺

孔武仲

白寺荒灣略艤舟。携筇來作上方遊。何
年巧匠開山骨。自古精兵聚石頭。故壘
無人空向久。高堂問話凜生秋。雲房小
望窮千里。一借澄江洗客憂。

八月十六日翫月 孔平仲

團團冰鏡吐清輝。今夜何如昨夜時。只
恐月光無好惡。自憐人意有盈虧。風摩
露洗非常潔。地澗天高是處宜。百尺曹

身言易表集 卷五
亭。吾獨有。更教玉。遂倚欄。吹。

西行

繚繞西行入亂山。白雲深處據征鞍。蒼
花著雨相爭秀。素類迎陽一半丹。鞅掌
未能逃物役。乾坤何處托身安。莒臺東
嚮情無限。那更秋風作暮寒。

造王館公第馬上作

濯濯春容在柳梢。野梅相壓吐香苞。白
邊明晦雲無定。雨後寒暄氣欲交。抱蕊
懸蟲猶帶繭。銜枝飛鳥已營巢。高懷不
愛三公府。白水青山滿近郊。

海陵西樓寓目

賀鑄

天涯尊酒與誰開。風外徂春挽不回。掃
地可憐花更落。卷簾無奈燕還來。王孫
莫願漳濱卧。漁父何知楚客才。強策驚
筋懷故國。浮雲千里思悠哉。

烏江東鄉往還馬上作

悠悠東去欲何之。草草西還可是歸。殘日西竿荒戍遠。青山滿眼故園非。江田經雨菰蔣熟。石路無風蠨螋飛。回羨耕夫閑勝我。蚤收鷄犬閉柴扉。

九日登戲馬臺

當年節物此山川。倦客登臨獨惘然。戲馬臺荒年自久。斬蛇人去事空傳。黃華半老清霜後。白鳥孤飛落照前。不與興亡城下水。穩浮漁艇入淮天。

懷寄寇元弼

君投筦庫可知非。我飽官糧又願違。舊國秋高鴻雁過。長淮水落白魚肥。西風吹夢端相覓。南物留人也念歸。何日蘆軒下。雙榻滿持尊酒洗塵襟。

江上有懷李易初

何處經行特惘然。津頭曾送木蘭船。桃花春水生前夜。楊柳秋風憶故年。驛路尺書疑斷絕。官倉斗米愧留連。飄飄復作江湖計。從此長安是日邊。

甘露上方

楊蟠

滄江萬景對朱欄。白鳥群飛去復還。雲捧樓臺出天上。風飄鐘磬落人間。銀河倒瀉分雙月。錦水西來轉幾山。今古冥冥難借問。且持玉爵破愁顏。

宋詩別裁集卷六

姚培謙述齋

雲間張景星二銘點閱

王永祺補堂

七言律二

題落星寺

黃庭堅

落星開士深結屋。龍閣老翁來賦詩。詩
擇隆作宴坐小軒。小雨藏山客坐久。長

為落星之勝處

七律

江接天帆到。遲宴寢。清香與世隔。畫圖
妙絕無人知。僧隆畫隆富而寒。蜂房各
自開戶。滿處處煮茶藤一枝。

次韵裴仲謀同年

交蓋春風汝水邊。客牀相對卧僧瓊。舞
陽去葉纔百里。賤子與公俱少年。白髮
齊生如有種。青山好去坐無錢。烟沙篔
竹江南岸。輸與鸕鷀取次眠。

登快閣

癡兒了却公家事。快閣東而倚晚晴。落
才千山天遠大。澄江一道月分明。朱絃
已為佳人絕。青眼聊因美酒橫。萬里歸
船弄長笛。此心吾與白鷗盟。

夏日夢伯兄寄江南

故園相見畧雍容。睡起南窓日射紅。詩
酒一年談笑隔。江山千里夢魂通。河天

月。暈。魚。子。榭。葉。風。微。鹿。養。茸。幾。度。白。
沙。青。影。裏。審。聽。嘶。馬。自。措。筇。

次韵裴仲謨和何先輩

秦觀

汝南古郡。冥參尋。兀兀長如鶴。在陰支。
枕。星。河。橫。醉。後。入。簾。風。絮。報。春。深。青。山。
未。落。詩。人。手。白。髮。誰。知。國。士。心。多。謝。名。
郎。傳。綠。綺。愧。無。佳。句。比。南。金。

游龍塘宮次程公韵

靈祠真館。閔山隈。形勢相高對。越臺莓。
徑。翠。依。屏。上。轉。藕。花。紅。繞。鑑。中。開。鶴。脚。
寶。箭。排。烟。去。龍。護。金。書。帶。雨。來。夾。道。萬。
星。攢。騎。火。滿。城。爭。看。使。君。回。

次韵子瞻贈金山寶覺大師

雲峰一變。隔炎涼。猶喜重来飯。積香宿。
烏。水。干。迎。曉。開。亂。帆。天。際。受。風。忙。青。鞋。

步雨尋幽徑。朱火籠紗語。上方珍重故人。敦妙契自憐。身世兩微茫。

魚溝懷家

晁補之

生涯身事任東西。藥笥書囊偶自贖。柳嫩桑柔。鴉欲乳。雪消冰動。麥初齊。沙頭晚日。檣竿直。淮上春風。雁鷺低。歸去未應。芳物老。桃花如錦。遍松溪。

登海州城樓

張耒

城外滄溟。日夜流。城南山直對。城樓溪田。雨足禾先熟。海樹風高。葉易秋。疎傳里。問詢故老。秦皇車甲。想東游客。心不待傷。千里檻外風烟。盡是愁。

夏日

長夏村墟。風日清。簷牙燕雀已生成。蝶衣。曬粉花枝午。蛛網添絲。屋角晴落落。踈簾邀月影。嘈嘈虛枕。納溪聲。久判兩

鬢如霜雪直欲樵漁過此生

黃簾翠幕斷飛蠅午影當軒睡未興枕
穩海魚鐫紫石扇涼山雪畫青繒廊陰
日轉彫欄樹坐冷風生玉盃冰滿案詩
書塵蠹甚故應踈懶過炎蒸

索徑瓜畦經雨涼白衫烏帽野人裝幽
花避日房房歛翠樹含風葉葉涼蒼拙
久判截姓字置身安事巧文章漢庭卿
相皆豪傑不遇何妨曰髮郎

和周廉彥

天光不動晚雲垂芳草初長襯馬蹄新
月已生飛鳥外落霞更在夕陽西花開
有客時携酒門冷無車出畏泥修禊洛
濱期一醉天津春浪綠浮堤

九日寄秦觀

陳師道

疾風回雨水明霞沙步叢祠欲莫鴉九

牙言另表集卷二
日清樽欺白髮十年為客負黃花登高
懷遠心如向老逢辰意有加淮海少
年天下士可能無地落烏紗

次韵李節推九日登南山

平林廣野騎臺荒山寺鳴鐘報夕陽人
事自生今日意寒花只作去年香巾歌
更覺霜相侵鬢語妙何妨石作腸落木無
是江不盡此身此日更須忙

春懷示隣里

斷墻着雨蝸成字。老屋無僧燕作家。剩
欲出門追語笑。却嫌歸髻着塵沙。風翻
蛛網開三面。雷動蜂窠趁兩衙。屢失南
隣春事約。只今容有未開花。

和冠十一晚登白門

重門傑觀屹相望。表裏山河自一方。小
市張燈歸意動。輕衫當戶晚風長。孤臣

白首逢新政遊子青春見故鄉富貴本
非吾輩事江湖安得更相忘

城上

彭汝礪

孤城縱目盡南東山轉溪回翠且重雲
際靜浮濱漢水林端清送上方鐘今時
漢壯無雛鳳當日襄南有卧龍萬事廢
興無足問登臨吾樂正從容

寄隱居士

謝逸

處士骨相不封侯卜居但得林塘幽家
藏玉唾幾千卷手校韋編三十秋相知
四海孰青眼高卧一麾今白頭襄陽耆
舊心獨苦只有龐公不入州

偕陳調翁龍山買舟待夜潮發

蘓過

來逢春雨長魚苗去見秋風擘蟹螯久
矣歸心到鄉國依然水宿伴漁舸一天

如許皆明月。二客所須惟濁醪。今夜四更潮有信。更須留眼看銀濤。

夜泊寧陵

韓駒

汴水日馳三百里。扁舟東下更開帆。旦辭杞國風微北。夜泊寧陵月政南。老樹挾霜鳴窸窣。寒花垂露落毵毵。茫然不悟身何處。水色天光共蔚藍。

和李上舍冬日書事

北風吹日晝多陰。日暮擁階黃葉深。倦鵲遶枝翻凍影。飛鴻摩月墮孤音。推愁不去如相覓。與老無期稍見侵。願藉微官少年事。病來那復一分心。

奉送晁伯南歸金谿

張元幹

君家諸父多人傑。半是平生親舊間。莫話故園空矯首。相從逆旅足開顏。文元

新詩別集卷之六
勤業金甌字。昭德風流玉筍班。此去騰
驤吐虹氣。何由來伴老夫閑。

書寧川驛壁

汪藻

過眼空花一餉休。坐狂猶得佐名州。雖
遭瀧吏咄韓子。却喜溪神識柳侯。盡日
野田行穰稌。有時雲嶠聽鈞鞀。會將新
濯滄浪足。踏遍千巖萬壑秋。

度黃溪

李彌遜

百尺滄浪兩岸沙。肩輿徒涉步欹斜。溪
聲猶帶夜來雨。山色漸分雲外霞。听曲
斷林開鳥道。水邊疎竹近人家。塵埃何
處尋真境。試逐寒流認落花。

凌歊晚眺

周紫芝

故鄉南望幾時回。落日登臨眼自開。倚
杖獨看飛鳥去。開牕忽擁大江來。傷心
不見姑溪老。抱病還尋宋武臺。歲晚無

人弔遺跡壁間詩在半灰埃

次韵寄日新

周孚

南去關河雪正深尚煩歸雁與傳音
云逝水經新歲落落寒松只舊心
別後溪波誰與賦老來梁父不須吟
毀車殺馬吾何敢抱甕相從老漢陰

送辛幼安

西風掠面不勝塵老欲從君自濯薰
兩意未成還片俗一飢相迫又離羣
只今參佐須孫楚何日公卿屬范雲
節物關心那可別斷紅踈綠正春分

城西即事

王琮

清曉離家去路遙絕憐寒景大蕭條
松深漸覺風聲緊雲動還知雪意銷
沙嘴客擔魚種賣山頭人拾樹枝燒
梅花多處誰家酒斜舞青帘隔小橋

射詩易卷之六

春日山行

王庭珪

緩鞚青絲馬不嘶。春山草長靜柴扉。
林新笋。斑斑出。隔水幽禽款款飛。
雨過泉聲鳴嶺背。日長花氣撲人衣。
雲藏遠岫。茶烟起。知有僧居在翠微。

題郭秀才釣亭

野濶江寒一雁飛。碧蘆花老鯉魚肥。
遶欄綠水秋初淨。滿棹白蘋人未歸。
醉任狂風揭茅屋。卧聽殘雪打蓑衣。
他年欲訪沙頭路。會自携竿扣竹扉。

送胡邦衡之新州貶所

囊封初上九重闕。是日清都虎豹開。
百辟動容觀奏牘。故人回首愧朝班。
名高北斗星辰上。身墮南州瘴海間。
不待他年公議出。漢廷行色賈生還。

雨後至城外

呂本中

天詩易卷之七律

十一

日日思歸未就歸。只今行露已沾衣。江
村過雨蓬麻亂。野水連天鶴鶴飛。塵務
却嫌經意少。故人新更得書稀。鹿門縱
隱猶多事。苦向人前說是非。

次韵周教授秋懷 陳與義

一官不辦作生涯。幾見秋風捲岸沙。宋
玉有文悲落木。陶潛無酒對黃花。天機
袞袞山新瘦。世事悠悠日自斜。誤矣載
書三十乘。東門何地不宜瓜。

寓居劉倉廨中晚步過鄭君臺上
紗巾竹杖過荒陂。滿面春風二月時。世
事紛紛人易老。春陰漠漠絮飛遲。士衡
去國三間屋。子美登臺七字詩。草連天
西青不盡故園歸。計入支頤。

登岳陽樓

洞庭之東江水西。簾旌不動夕陽遲。登

東言房表集卷之六
臨吳蜀橫分地。徙倚湖山欲暮時。萬里
來遊望遠。三年多難更凭危。白頭吊
古霜風裏。老木蒼波無限悲。

巴邱書事

三分書裏識巴邱。臨老避兵初一遊。曉
木聲酣洞庭野。晴天影抱岳陽樓。四年
風露侵遊子。十月江湖吐亂洲。未必上
流須魯肅。腐儒空白九分頭。

題東家壁

斜陽步屨過東家。便置清尊不煮茶。高
柳光陰初罷絮。嫩鳧毛羽欲成花。羣公
天上今時憶。懶閑客江邊。管物華。醉裏吟
詩空跌宕。借君素壁落栖鴉。

懷天經智老因訪之

今年二月凍初融。睡起蒼溪綠向東。客
子光陰詩卷裏。杏花消息雨聲中。西菴

禪伯還多病。壯柵儒先只固窮。忽憶輕舟尋二子。綸巾鶴氅試春風。

舟行遣興

會稽尚隔三千里。臨賀初盤一百灘。殊俗問津言語異。長年為客路岐難。背人山嶺重重去。照鷁梅花樹樹殘。酌酒拖樓今日意。題詩船壁後來看。

雨晴

天缺西南江面清。纖雲不動小灘橫。頭語鵲衣猶濕。樓外殘雷氣未平。盡取微涼供穩睡。急搜奇句報新晴。今宵勝絕無人共。卧看星河畫意明。

對酒

陳留春色撩詩思。一日搜腸一百迴。燕子初歸風不定。桃花欲動雨頻來。人間多待須微禄。夢裡相逢記此杯。白竹扉

前客醉舞烟村渺渺欠高臺。

春夜感懷寄席大光

管寧白帽且踰躔。孤鶴歸期難計年。倚杖東南觀百變。傷心雲霧隔三川。江湖氣動春還冷。鴻雁聲迴人不眠。苦憶西州老太守。何時相伴一燈前。

謝人分餉洞庭柑 曾幾

黃柑分似得嘗新。坐我松江震澤濱。想

見霜林三百顆。夢成羅帕一雙珍。流雲巽霧真成酒。帶葉連枝絕可人。莫向君家樊素口。瓠犀微齧遠山顰。

西湖泛舟 朱松

望湖樓下照衰顏。羞見塵埃兩鬢斑。風艇縱看山轉側。烟堤儘逐水回還。喚人歸去城鐘急。觸處相親鏡月彎。不用新詩摹絕境。定知長到夢魂間。

贈范直夫

將軍競病詩成處。南浦春歸蘭玉叢。漸
減心情身老大。久垂談笑路西東。鄉閨
落日蒼茫外。樽酒寒花寂歷中。且與寓
公同放曠。浩歌相屬倚秋風。

別張自彊

王鈺

燕子低飛入壞簷。柳條輕拂綠毵毵。故
園更在壯山壯。佳節可憐三月三。萬古

愁多憑濁酒。九京事往落清談。都門別
恨終難寫。滿眼風光思不堪。

入春半月未有梅花

尤袤

枯樹扶疎水滿池。攀翻未見玉團枝。應
羞無雪教誰伴。未肯先春獨探支。幾度
杖藜貪看早。一年芳信恨開遲。留連東
閣空愁絕。只誤何郎作好詩。

德翁有詩再用前韵

文章仙伯記仇池。每想橫斜竹外枝。未
放柔柯攢玉雪。稍看紅蒂染燕支。別來
望遠憑誰寄。老去尋春只恐遲。把酒問
花花解語。定應催促要新詩。

立馬黃昏遶曲池。幾回踏雪問南枝。不
應春到花猶未。定恐寒侵力不支。隴上
已驚傳信晚。樽前只想弄粧遲。臨風不
語空歸去。獨立無慙自詠詩。

嘗記尋芳到習池。攀條頻認去年枝。曉
穿曲徑千林去。晚度危橋一木支。不避
春寒來得得。只緣人望故遲遲。無錢可
辦羅浮醉。報答春光只有詩。

暮春上塘道中 范成大

店舍無烟野水寒。競船人醉鼓闌珊。石
門柳綠清明市。洞口桃紅上巳山。飛絮

身言吳越年
著人春共老。片雲將夢晚，俱還明朝遮。
日長安道慚愧江湖釣手閒。

四月五日集陳園照山堂

尋壑經邱到此堂。官閑聊作送春忙。短
籬水面殘紅滿。團扇風前衆綠香。畫捲
簾旌延竹色。深斟杯酒納山光。洞門無
鎖城門近。轉午雞啼日正長。

鄂州南樓

誰將玉笛弄中秋。黃鶴飛來識舊遊。漢
樹有情橫北渚。蜀江無語抱南樓。燭天
燈火三更市。搖月旌旗萬里舟。卻笑鱸
鄉垂釣手。武昌魚好便淹留。

初歸石湖

曉霧朝暎紺碧烘。橫塘西岸越城東。行
人半出稻花上。宿鷺孤明菱葉中。信脚
自能知舊路。驚心時復認鄰翁。當時手

種斜橋柳無限鳴蜩翠掃空

再題瓶中梅花

園林疎落凍芳塵南北枝間玉藥皴風
袂挽香雖澹薄月影橫影已精神雪霜
春事年年晚今古詩情日日新鐵石如
翁猶索句真成嚼蠟對橫陳

新夏感事

陸游

百花過盡綠陰成漠漠爐香睡晚晴病
起兼旬疎把酒山深四月始聞鶯近傳
下詔通言路已卜餘年見太平聖主不
忘初政美小儒惟有涕縱橫

遊山西村

莫笑農家臘酒渾豐年留客足雞豚山
重水複疑無路柳暗花明又一村簫鼓
追隨春社近衣冠簡朴古風存從今若
許閒乘月拄杖無時夜叩門

上虞逆旅見舊題歲月感懷
舳艫為家東復西。今朝破曉下前溪。青
山缺處日初上。孤店開時鷺亂啼。倦枕
不成千里夢。壞牆間覓十年題。漆園傲
吏猶非達。物我區區豈足齊。

柳材酒家小樓

桃花如燒酒。如油緩纒郊原當。出遊微
倦放教成午夢。宿醒留得伴春愁。遠途
始悟乾坤大。晚節偏驚歲月遒。記取晴
明果州路。半天高柳小青樓。

東湖新竹

插棘編籬謹護持。養成寒碧映淪漪。清
風掠地秋先到。赤日行天午不知。解籜
時聞聲簌簌。放梢初見葉離離。官閒我
欲頻來此。枕簟仍教到處隨。

宴西樓

西樓遺跡尚英雄。錦繡笙簫在半空。萬
里因循成久客。一年容易又秋風。燭光
低映珠簾麗。酒暈徐添玉頰紅。歸路迎
涼更堪愛。摩訶池上月方中。

題丈人觀道院壁

斷香浮月磬聲殘。木影如龍布石壇。偶
駕青鸞塵世窄。閒吹玉笛洞天寒。竒香
滿院晨炊藥。異氣穿巖夜浴丹。却笑飛

仙未忘俗。金貂猶著侍中冠。

孫太古畫
范長生作

舉手整貂蟬像
神氣尤竒逸

成都書事

大城少。城柳已青。東臺西臺雪。正晴鶯
花。又作新年夢。絲竹常聞靜夜聲。廢苑
烟蕪迎馬動。清江春漲拍堤平。尊中酒
滿身強健。未恨飄零過此生。

數日暄妍頗有春意。子閑居無日

不出遊戲作

小春花蕾索春饒。已有暄風入紫貂。邨
 路雨晴鳩婦喜。射場草綠雉媒嬌。苑邊
 結客飛金勒。樓上誰家弄玉簫。莫惜夕
 陽歸獨後。早梅喚我度谿橋。
蜀宣華苑在摩訶池上

桐廬縣泛舟東歸

桐江艇子去乘月。笠澤老翁歸放慵。一

尺輪困霜蟹美。十分湫澀社醅濃。宦遊
 何啻路九折。歸卧恨無山萬重。醉裡試
 吹蒼玉笛。為君中夜舞魚龍。

雨

映空初作繭絲微。掠地俄成箭鏃飛。紙
 帳光遲饒曉夢。銅鑪香潤覆春衣。池魚
 鱗鱗隨溝出。梁燕翩翩接翅歸。惟有落
 花吹不去。數枝紅溼自相依。

書憤

早歲那知世事艱。中原壯望氣如山。樓船夜雪瓜洲渡。鐵馬秋風大散關。塞上長城空自許。鏡中衰鬢已先斑。出師一表真名世。千載誰堪伯仲間。

村居初夏

天遣為農老故鄉。山園三畝鏡湖傍。嫩莎經雨如秧綠。小蝶穿花似繭黃。斗酒

隻雞人笑樂。十風五雨歲豐穰。相逢但喜桑麻長。欲話窮通已兩忘。

余年四十六入峽。忽復二十三年。

感懷賦長句

當年弔古巴。東峽雪灑扁舟見早梅。宋玉宅邊新酒熟。巫山廟下暮猿哀。樵柯爛盡碁方劇。客甌炊成夢未回。已把癡頑敵憂患。不勞團扇念寒灰。

劉夢得團扇歌曰當

先言春年卷六

三

時初入君懷袖豈
想寒爐有死灰

和昌英叔久雨 楊萬里

積雨令晨也解休殷勤日脚傍花流半
明衣桁收梅潤全為農家放麥秋更著
好風墮清句不知何地頓開愁新晴佳
處無人會隔柳一聲黃栗留

霰

雪花遣霰作前鋒勢頗張皇欲暗空飾

瓦巧尋疎處漏跳堦誤到暖邊融寒聲
帶雨山難白冷氣侵人火失紅方訝一
冬暄較甚今宵敢歎卧如弓

懷古堂前小梅漸開

梅邊春意未全回淡日微風暗裏催近
水數枝殊小在一梢隻朵忽齊開生愁
落去輕輕折不怕春寒得得來腸斷故
園干樹雪大江西霞亂雲堆

天行初成卷六

七

春晴懷故園海棠

竹邊臺榭水邊亭。不要人隨只獨行。
乍暖柳條無氣力。淡晴花影不分明。一番
過雨來幽徑。無數新禽有喜聲。只欠翠
紗紅映肉。兩年寒食負先生。

寄題曾子與競秀亭

老夫上下蓼花灘。每過君家輒繫船。
尊酒燈前山入座。孤鴻月底水連天。暄涼

書問二千里。塲屋聲名三十年。競秀主
人文似豹。不應霧隱萬峰邊。

辛亥元日送張德茂自建康移帥

江陵

西湖一別忽三年。白首相從豈偶然。
到得我来恰君去。正當臘後與春前。醉餘
犯雪追征帽。送了凭欄望去船。待把衣
冠挂神武。看渠勲業上凌煙。

先言身集卷六
冬至節後賀皇太子及平陽郡主
長樂鐘聲遶夢驚建章星影照人行千
官燈語聽殘點一夜霜寒在五更金鑰
玉篴開壯關銀鞍絲控謁東明青宮朱
邸環天極五色祥雲覆帝城

送趙民則少監提舉

座主門生四十年江湖契濶幾風烟同
朝再接駕行裡握手相看鶴髮前誤喜
論詩追舊事不知呼酒是離筵老懷只
作還山夢輸與先生早着鞭

赴文德殿聽麻仍拜表

蒼龍觀闕啓槐宸白玉階除振鷺群仗
外諸峰獻松雪霜前一雁度宮雲舍人
就日宣麻制丞相瞻天進表文夙退自
欣還自笑素餐便當策殊勲

奉陪彥集克父同遊瑞巖謹次甫

田使君留題之韵 朱子

踏破千林黃葉堆。林間臺殿鬱崔嵬。谷
泉噴薄秋逾響。山翠空濛晝不開。一壑
祇今藏勝槩。三生疇昔記曾來。解衣正
作留連計。未許山靈便却回。

伏讀二劉公瑞巖留題感事興懷

至於隕涕追次元韵偶成二篇錄
誰將健筆寫崖陰。想見當年抱膝吟。緩

帶輕裘成昨夢。遺風餘烈到如今。西山
爽氣看猶在。北闕精誠直自深。故壘近
聞新破竹。起公無路祇傷心。右懷實
學公作

春谷次韵秀野閑居
五詠之六

武夷高處是蓬萊。采得靈根手自栽。地
僻芳菲鎮長在。谷寒蜂蝶未全來。紅裳
似欲留人醉。錦障何妨為客開。飲罷醒
心何處所。遠山重叠翠成堆。

秀野劉丈寄示南昌諸詩和此兩

篇錄

滕王閣下水初生。聞道登臨復快情。帝子詎知陳迹在。長江肯趁曲池平。山楹雨罷珠簾卷。簷鐸風驚玉佩鳴。滿眼悲涼今古恨。人生辛苦竟何成。

題鄭德輝悠然堂

高人結屋亂雲邊。直面群峯勢接連。車

馬不來真避俗。簞瓢可樂便忘年。移筇綠幄成三徑。回首黃塵自一川。認得淵明千古意。南山經雨更蒼然。

九日登天湖以菊花須插滿頭歸

分韵賦詩得歸字

去歲瀟湘重九時。滿城寒雨客思歸。故山此日還佳節。黃菊清罇更晚暉。短髮無多休落帽。長風不斷且吹衣。相看下

視人寡小。祇合從今老翠微。

前村梅次韻秀野閑居五詠之末篇

玉立寒烟寂寞濱。仙姿瀟灑淨無塵。千
林搖落今如許。一樹橫斜獨可人。真與
雪霜娛晚景。任從桃柳殿殘春。綠陰青
子明年事。眾口驚嗟鼎味新。

叔通老友探梅得句垂示且有領

客携壺之約

迎霜破雪是寒梅。何事今年獨晚開。應
為花神無意管。故煩我輩著詩催。繁英
未怕隨清角。疎影誰怜蘸綠杯。珍重南
鄰諸酒伴。又尋江路探香來。

賀車駕幸秘書省 呂祖謙

麟臺高柳識琯輿。共記中興幸省初。黃
道再傳天子蹕。青編重入史臣書。雷雲
下際君恩盛。晨露高張樂節舒。若無鴻

鼓參大雅定。非周鼓頌。咬漁。

紫青丹極與天鄰。闔闢乾坤繫。笈鬢獨
為斯文回一顧。坐令吾道重千鈞。先王
舊物參差見。列聖明謨次第陳。墨客區
區感榮遇。豈知深意在彝倫。

題湖邊莊

王十朋

十里青山蔭碧湖。湖邊風物畫難如。夕
陽茅舍客沽酒。明月小橋人釣魚。舊卜
草莊臨水竹。來尋野叟問耕鋤。他年待
掛衣冠後。乘興扁舟取次居。

扈駕

呂定

八月秋高戰馬肥。觀兵郊外振天威。一
聲鳳吹迎鸞馭。五色龍文雜袞衣。劍戟
橫空金氣肅。旌旗映日彩雲飛。冷巖星
火。諸軍奮直定。單于塞上歸。

班師

紫塞回鑿雪正晴王師百萬擁連營馬
嘶大地山河壯旗捲長空日月明龍虎
臺高千嶂聳鳳凰城近五雲生聖顏有
喜天心順中外歡聞奏凱聲

蚤春即事

華岳

楊柳絲絲弄淡黃怯寒燕子未歸梁曉
迷芳草騅髮濕夜宿閑花蝶翅香得句
自慚非子美賞音猶恐悞中郎願言相
約花前醉莫放春容過海棠

即事

陳造

江漾晨光入縣門樓斜晚影到漁村海
聲不為無風靜山色居常帶霧昏問俗
即今防愒日來時撫事錯銷魂浮生寄
寓君恩重未覺天涯異故園

項遊龍井得一聯王伯齊同免輩
游因足成之

樓鑰

路入鳳篁上翠微。老龍蟠井四山圍。水
真綠淨不可唾。魚若空行無所依。勝處
雖多終莫及。舊游誰在事皆非。祇今匏
繫何由到。徒羨聯鑣帶月歸。

九月十三日始就郊墅拜寶謨閣
直學士提舉江州太平興國宮之

命

岳珂

槐影西清舞翠鸞。竹宮高接五雲環。職
陪溫洛圖書地。名在元封卜祝閒。晝訪
未承龍閣問。晨香猶廁羽衣班。祠官到
處無公事。且聽松聲老此山。

鼓瑟

劉仙倫

滿樓明月調雲和。五十弦中急雨過。彩
鳳拂衣鳴翠竹。素鱗鼓鬣出寒波。淒涼
楚客新愁。澗清切。湘靈舊怨多。一曲更
沈人已靜。江頭雲挂綠嵯峨。

五壺即事

杜範

雨過條風著柳芽。淡黃淺綠嫩如花。陂
湖漾漾初侵路。蜂燕紛紛各理家。帶郭
園林仙苑近。送春船舫繡簾遮。芸牕倦
倚何山翠。暖霽輕籠日脚斜。

夢尋梅

方岳

野迥深藏隱者家。岸沙分路帶溪斜。馬
蹄殘雪六七里。山背有梅三四花。黃葉

擁籬埋藥草。青燈煨芋話桑麻。一生烟
雨蓬茅底。不夢金貂侍玉華。

詠梅

張道洽

縵有梅花便絕塵。霜鋪月冷倍精神。風
流晉宋之間客。清逸羲皇以上人。年後
臘前無盡意。水邊林下自然春。萬花錦
繡東風鬧。難晚條條玉雪身。

縵有梅花便不同。一年清致雪霜中。疎

宋詩別集卷之六
疎籬落娟娟。月寂寂。軒牕澹澹風生長。
元從瓊玉圃。安排合在水晶宮。何須更
探春消息。自有幽香夢裏通。

湖上即事

陳起

波光山色兩盈盈。短策青鞵信意行。
葑草煙開遙認鷺。柳條春蚤未藏鶯。誰家
艷飲歌初歇。有客孤舟笛再橫。風景無
窮吟莫盡。且將醪酎樂浮生。

送廣州劉叔治倅欽州兼守事

樂雷發

天涯亭畔擁提屏。丹荔蕉黃滿去程。卓
蓋卻迎新別駕。碧幢應憶老先生。象蹄
印雨歸蠻國。鯨鬣掀潮撼海城。曾是鄉
賢分守處。試尋醉石共題名。余靖韶州人曾守欽

多景樓

柴望

蚤被垂楊繫去舟。五更潮落大江頭。關

河壯望幾千里。淮海南來第一樓。昔日
最多風景處。今人偏動黍離愁。烟沙
洞翻蘋末。欲倚西風問仲謀。

